

Y Gweinidog Tai a Llywodraeth Leol
Y Dirprwy Weinidog Tai a Llywodraeth Leol
Y Dirprwy Weinidog a'r Prif Chwip

10 Medi 2019

Annwyl Weinidog / Dirprwy Weinidog

Craffu ar Gyllideb Ddrafft 2020–21

Cyn ein gwaith craffu ar y gyllideb yn ystod y misoedd nesaf, byddem yn ddiolchgar am bapur ar y dyraniadau yn eich portffolios, yn seiliedig ar egwyddorion craffu ariannol y Pwyllgor Cyllid y cytunwyd arnynt, sef:

- **Fforddiadwyedd** - edrych ar y darlun mawr o ran cyfanswm y refeniw a gwariant, ac a oes cydbwysedd priodol;
- **Blaenoriaethu** - a yw'r dyraniadau wedi'u rhannu rhwng sectorau/rhaglenni gwahanol mewn ffordd gydlynol y gellir ei chyfiawnhau;
- **Gwerth am arian** - Yn y bôn, a yw cyrff cyhoeddus yn gwario eu dyraniadau yn dda – darbodaeth, effeithlonrwydd ac effeithiolrwydd (h.y.) canlyniadau; a
- **Phrosesau'r gyllideb** - a ydynt yn effeithiol ac yn hygyrch ac a oes integreiddio rhwng cynllunio corfforaethol a chynllunio gwasanaethau, a rheoli perfformiad a rheoli ariannol.

Hefyd mae gan y Pwyllgor Cyllid ddiddordeb yn y materion a ganlyn:

- Sut y dylai Llywodraeth Cymru ddefnyddio pwerau trethu a benthyca, yn enwedig mewn perthynas â Chyfradd Treth Incwm Cymru
- Y dull gweithredu o ran gwariant ataliol, a sut y mae hyn yn cael ei adlewyrchu yn y broses o ddyrannu adnoddau (Gwariant ataliol = gwariant sy'n canolbwyntio ar atal problemau a lliniaru'r galw am wasanaethau yn y dyfodol, drwy ymyrryd yn gynnar), yn enwedig o ran ariannu byrddau iechyd lleol a gwasanaethau iechyd a gofal cymdeithasol
- Cynaliadwyedd gwasanaethau cyhoeddus, arloesi a thrawsnewid gwasanaethau
- Polisiâu Llywodraeth Cymru i hybu twf economaidd, lleihau tlodi ac anghydraddoldeb rhwng y rhywiau, a lliniaru diwygio lles
- Gwaith cynllunio Llywodraeth Cymru a'i pharodrwydd ar gyfer Brexit



- Sut y mae tystiolaeth yn llywio gwaith Llywodraeth Cymru o ran pennu blaenoriaethau a dyrannu'r gyllideb
- Sut y mae Deddf Cenedlaethau'r Dyfodol yn dylanwadu ar y gwaith o lunio polisi
- Wrth gyhoeddi 'argyfwng hinsawdd', a yw'n amlwg sut y mae Llywodraeth Cymru yn bwriadu ymateb i'r her honno a darparu'r adnoddau angenrheidiol.

Byddem yn gwerthfawrogi pe gallech roi rhagor o fanylion inni am y meysydd hyn fel y maent yn berthnasol i'ch portffolios.

Hoffem i chi ddarparu gwybodaeth fanwl inni am y dyraniadau cyllideb ar gyfer:

- Llywodraeth leol;
- Tai ac Adfywio;
- Cydraddoldeb; a
- Mynd i'r Afael â Thlodi (gan gynnwys Lles).

Wrth ddarparu'r wybodaeth hon, a allwch chi nodi sut y mae'r Asesiad Effaith Integredig Strategol wedi llywio penderfyniadau cyllidebol, gan gynnwys enghreifftiau o effeithiau cadarnhaol a negyddol penderfyniadau cyllidebol.

Hoffem hefyd gael enghreifftiau o sut y mae'r bwriad i roi lle blaenllaw i rywedd wrth lunio polisiâu wedi effeithio'n uniongyrchol ar ddewisiadau cyllidebol, gydag enghreifftiau penodol.

Mewn gohebiaeth gan y Prif Weinidog ataf yn rhinwedd fy swydd fel Cadeirydd y Grŵp Trawsbleidiol ar Dlodi, dywedodd fod Gweinidog yr Amgylchedd, Ynni a Materion Gwledig wedi cael y dasg o arwain ar y thema drawsbynciol o dlodi mewn perthynas â'n proses blaenoriaethu cyllideb 2020-21. Hoffem gael rhagor o wybodaeth am sut y mae hyn wedi llywio penderfyniadau cyllidebol yn eich meysydd, gydag enghreifftiau penodol wedi'u hamlygu yn y sylwebaeth.

Hoffem hefyd weld sut y mae Deddf Llesiant Cenedlaethau'r Dyfodol wedi dylanwadu ar eich dyraniadau cyllideb, gyda manylion am ddyraniadau penodol.

Byddem hefyd yn gwerthfawrogi diweddariad ar y broses o weithredu'r argymhellion o'r gwaith ar y cyd a wnaethom gyda'r Pwyllgor Cyllid a'r Pwyllgor Plant, Pobl Ifanc ac Addysg.

Yn olaf, a allwch gynnwys gwybodaeth am effeithiau cyllidebol deddfwriaeth Cymru yn y gyllideb ar gyfer 2020-21?



Byddem yn gwerthfawrogi cael y wybodaeth hon dair wythnos fan bellaf cyn i chi ddod gerbron y Pwyllgor.

Yn gywir

A handwritten signature in black ink that reads "John". The letters are cursive and connected.

John Griffiths AC
Cadeirydd

Croesewir gohebiaeth yn Gymraeg neu'n Saesneg.
We welcome correspondence in Welsh or English

